

Varhaug skule

Hei.

For ein flott gjeng med elevar og vaksne me har her på Varhaug skule! Nå er det haustferie og elevar og vaksne får seg ein velfortent ferie. Som ny rektor på skulen, ser eg ein veldreven skule med flinke vaksne som arbeider hardt for at elevane skal ha ein god skulekvardag der dei lærer og utviklar sine kompetansar kvar dag. Eg ønskjer å ha ei open dør der det skal vera låg terskel for å koma inn. Det er utruleg kva me kan løysa viss me snakkar saman!

Læring

- Dette skuleåret er det satsing på skrivning og lesing som har høgast prioritet. I tillegg har me starta med Utviklande matematikk på 1. trinn. Element frå Utviklande matematikk vil også verta brukt på dei andre trinna. Dette kan vera utfordrande for foreldra, fordi det mange gonger ikkje bare er eit rett svar, men at det kan vera mange gode svaralternativ. I tillegg har me sett at det kan verta mykje tekst. Ta kontakt med kontaktlærer viss de lurar på noko!
- Me har også eit godt samarbeid i Jærskulen. I oktober og februar skal Rosseland, Bryne, Bore, Kleppe og Varhaug skular dela kompetansar på 10 ulike områder. Spannande arbeid som me håper og trur vil koma elevane på Varhaug skule til nytte.
- Eg tenkjer at alt me bruker ressursar på skal koma elevane på Varhaug skule til gode, enten i form av læring eller trivsel.



Trafikk

- Hugs å minna elevane på å bruka **refleks** nå når morgonane vert mørkare!
- Skulen får tilbakemelding om at det er svært varierende hjelmbruk på dei elevane som sykklar til skulen. Det er godt dokumentert at bruk av **sykkelhjel**m reduserer sjansane for hovudskadar.
- Me har også fått innspel på kjøring i **Pilevegen** (på austsida av skulen). Eg innbillar meg at dette gjeld dei som skal levera barn i Pil og Bue barnehagen, men vil bare minna om at dette skapar farlege situasjonar for våre elevar. Når de skal levera til barnehagen, må de bruka parkeringsplassen ved eldresenteret.
- Av- og påstiging for elevane, må skje på parkeringsplassane eller i lommene langs Skulegata og Eikevegen. Det beste er likevel om elevane sykklar eller går til skulen!



FAU

- I FAU har me diskutert fleire ting. FAU-representantane er verkeleg klar for å bidra med sitt for at skulen heile tida skal verta betre. Nokre saker me har hatt på agendaen:
 - o Visjonsarbeid. FAU har kome med innspel til **Visjonen** ved å diskutera kva som ligg i desse omgrepa: Læring, trivsel, elevsyn og framtid.
 - o Sommaravslutning. Representantane ønska innspel etter foreldremøta på organiseringa av sommaravslutninga. Innspela sprika i alle retningar, men konklusjonen vart at dei ønska **sommaravslutning** på klassetrinna. Då kan elevane kanskje syna fram noko av det flotte dei har gjort på fellessamlingane. Me trur at denne organiseringsforma kan bidra til at foreldre og elevar vert betre kjende med kvarandre.
 - o FAU-representantane sitt mandat. Dei er svært medvitne om at dei er heile trinnet sin **representant** inn i utvalet. For å ha best mogleg grunnlag ønskjer dei tilbakemeldingar frå andre foreldre på trinnet.

Norsktrening

- Varhaug skule er så heldige at me får hjelp i kantina og på SFO av personar som treng **norsktrening**. Det er eit samarbeid med Flykningeenheten i Hå kommune og er eit vinn-vinn prosjekt for alle. Me får god hjelp og dei får norsktrening.

Skulebygning

- Me har det trangt på Varhaug skule. Spesielt i bygget frå 1958 der 1. og 2. trinn går. Eg har invitert politikarar på besøk for å sjå koss me har det slik at dei kan fordela kommunale midlar med best mogleg bakgrunnskunnskap. Det vert spanande å fylgja med på koss dei vil prioritera. Me håper på å få riva 1958-bygget og setja opp eit nytt med betre løysingar og ikkje minst betre plass.



Til slutt vil eg ønska alle god haustferie. Stikk innom biblioteket og lån med ei bok eller lydbok. Biblioteket har noko som passar for alle!

Helsing Johan